

Oqaasiliortut ataatsimiinnerannit imaqarniliaq

Sumiiffik:	Ilimmarfik
Ulloq:	26.02.2016
Nalunaaqutaq:	13:00
Oqaasiliortut peqataasut:	Mariia Simonsen, Judithe Denbæk, Jens Danielsen, Bolatta M. Vahl aamma Juaaka Lyberth
Oqaasileriffimmiit peqataasoq:	Katti Frederiksen
Allatsi:	Minik Jeremiassen
Ataatsimiinnerup normua:	2

Oqaluuserisat

1. Tikilluaqqusineq
2. Kingullermik ataatsimiinnermit imaqarniliap akuerineqarnera
3. Suleriaasissamut siunnersuut pillugu
4. Oqaluuserisassat akuerineqartarnissaannut Oqaasileriffiullu pisortaata peqataasarnissaannut tunngasoq
5. Oqaasiliortunut saaffiginnissutit
 - a. nationalstadion
 - b. immisorsiveqanngitsoq
 - c. anorit taaguutaat
6. Taasariaqartut allat
 - a. Ilaasortanit taasariaqartut allat
 - b. Ataatsimeeqqinnissamut ulluliineq

Imaqarniliaq

1) Tikilluaqqusineq:

Bolatta Vahl Danmarkimiit oqarasuaatikkuq ataatsimiinnermut peqataasoq ataatsimiinnermi tikilluaqqusivoq Mariia Simonsenilu ataatsimiinnermik aqutsisuussasoq aalajangerlugu.

2) Kingullermik ataatsimiinnermit imaqarniliaq akuerineqarnera:

Kingullermik ataatsimiinnermit imaqarniliaq akuerineqanngilaq. Oqaasileriffiup pisortaata ataatsimiinnermi peqataasannginnissaminik nalunaaruteqarnera allanneqassaaq. Immikkoortut sisamaanni oqaatsit ataasiakkaat listillu pillugit suleriaasissaq erseqqinnerusumik allassimassaaq. Iluarseqquneqartut iluarsineqareerpata ataatsimiinnermi tullermi imaqarniliaq akuerisassanngortinneqassaaq.

Imaqarniliortarneq eqqartorneqarpoq:

Imaqarniliami inerniliussat erseqqissumik allanneqartassapput. Imaqarniliaq allatsimit naammassineqarpat Oqaasiliortunut tamanut wordinngorlugu nassiunneqartassaaq iluarsineqareerpallu aappasaanik nassiunnerani pdf-inngorlugu nassiunneqartassalluni.

3) Suleriaasissamut siunnersuut pillugu:

Suleriasissamut siunnersuut pillugu Naalakkersuisoqarfimmi inatsisilerituup Oqaasiliortut ataatsimeeqatiserisimavai. Tamanna sumik siunertaqarnerasoq ilisimanngikkaluarlugu Oqaasiliortut akuersaarpat.

4) Oqaluuserisassat akuerineqartarnissaannut Oqaasileriffiullu pisortaata peqataasarnissaannut tunngasoq:

Oqaluuserisassat akuerineqarnissaat oqaluuserisassani ilanngunneqarsimanngilaq, tamatumalu ilanngunneqartarnissaa kissaatigineqarpoq. Oqaluuserisassani allassimanngikkaluartoq Oqaasileriffiup pisortaata Oqaasiliortut ataatsimiinneranni peqataasarnissaa eqqartugassanngortinneqarpoq, Oqaasiliortullu isumaqarput Oqaasileriffiup pisortaa ataatsimiinnermi tamatigut peqataasariaqartoq immikkoortumi pisortaagami suliallu assigiinngitsut naammassineqarnissaannut akisussaasuugami.

5) Oqaatsit Oqaasileriffimmut saaffiginnissutit:

a. nationalstadion:

Oqaasiliortut isumaqarput nationalstadionissamik pilersaarutigineqartut piviusunnagortinnagit atermik siunnersuuteqartoqartariaqanngitsoq. Taggilli 'nationalstadion' kalaallisut taaguuserneqarsinnaavoq, tamannalu ataatsimiinnermut tullermut siunnersuusiorneqassasoq aalajangiunneqarpoq.

b. immisorsiveqanngitsoq:

Immisorsiveqanngitsoq Oqaasiliortunit itinerusumik eqqartorneqanngikkallassaaq isumaanut takussutissat amerlanngimmata, suliarli Oqaasileriffimmit ingerlanneqassaaq oqaatsimillu taassuminnga atuisut paasiniaavigineqareerpata Oqaasiliortunut ingerlateqqinneqassalluni.

c. anorit taaguutaat

Anorinut uuttuutit nunani tamalaani akuerisaallutik atorneqartut, Beauforts vindskala, kalaallisut ima taaguuserneqarput: **Beaufortip uuttuutai najoqqutaralugit anorip natsimassusiisa taaguutaat.**

Skala nutartigaq kingulleq naapertorlugu taaguut ataaseq, stormende kuling, ima taaguuserneqarpoq: natsimaneq anorersuannguuttartoq.

Beaufort vindskala	kalaallisut	danskisut	tuluttut	natsimassusia (m/sec)
0	qatsunganeq	stille	calm	0,0 - 0,2
1	suialaannguaq	næsten stille	light air	0,3 - 1,5
2	anorsaannguaq	svag vind	light breeze	1,6 - 3,3
3	anorsaaq	let vind	gentle breeze	3,4 - 5,4
4	nakkisaaq	jævn vind	moderate breeze	5,5 - 7,9
5	suffarik	frisk vind	fresh breeze	8,0 - 10,7
6	anorsarik	hård vind	strong breeze	10,8 - 13,8
7	natsimaasarneq	stiv kuling	near gale	13,9 - 17,1
8	natsimaneq	hård kuling	gale	17,2 - 20,7
9	natsimaneq anorersuannguuttartoq	stormende kuling	strong gale	20,8 - 24,4
10	anorsuaq	storm	storm	24,5 - 28,4
11	anorsuarujussuaq	stærk storm	violent storm	28,5 - 32,6
12	ulussaarsuaq	orkan	hurricane	32,6 sinnerlugu

KNR ilisimatinneqassaaq silassamik atuaasut tamarmik ilisimatinneqassasut anorip taaguutaasa nutarterneqarnerinik, kiisalu inanneqassasoq oqaatsit assigiiat TV-mi radiomilu atorneqartassasut sumiorpaluutit atornagit.

Suliffeqarfiittaaq allat, soorlu Asiaq, ilisimatinneqassapput Oqaasiliortut akuerisaannik.

6) Taasariaqartut allat:

a. Ilaasortanit taasariaqartut allat:

Taasariaqartuni allani ataatsimeeqqinnissaq eqqartorneqarpoq, tassa Oqaasileriffiup pisortaata ataatsimiinnermi peqataasarnissaa aammalu Inuit Aqqinik Akuersisartut atorunnaarsinniarneqarnerat, Kattip ataatsimiinnermit ingerlasariaqarnera pissutaalluni eqqartorneqanngitsoormata, eqqartorneqartussanngortinneqarput.

b. Ataatsimeeqqinnissamut ulluliineq:

IAA-mut tunngasoq nukinginnarmat ataatsimiinneq tulleq pingasunngornermut marsip aappaannut nal. 13:00 ullulerneqarpoq. Taanna sioqqullugu Oqaasiliortut siulittaasuat Oqaasileriffiullu pisortaa naapeqquneqarput, ataatsimiinnissamilu pingaarnertut Inuit Aqqinik Akuersisartut atorunnaarsinniarnerat sammillugu.

Oqaasiliortut

Allatsi

Bolatta M. Vahl, siulittaasoq

Minik Jeremiassen

Judithe Denbæk

Jens Danielsen

Juaaka Lyberth

Mariia Simonsen